



UNIVERSITÄTS-
BIBLIOTHEK
PADERBORN

Facilis Et Succincta S.S. Canonum Doctrina

Pirhing, Ehrenreich

Dilingæ, 1690

§. II. Quinam gradus consanguinitatis, & quo jure matrimonium dirimant?

[urn:nbn:de:hbz:466:1-61641](https://nbn-resolving.org/urn:nbn:de:hbz:466:1-61641)

deputatâ, remanet tantum una, & consequenter uno tantum gradu à se invicem distant, avus verò & nepos, duobus distant gradibus, quia tres personæ numerantur in linea ascendenti & descendenti, avus, pater, nepos (avi scilicet) ex quibus si unam demas, remanent duæ personæ, & consequenter duo gradus, &c. Secunda regula est pro linea transversa æquali, juxta quam duæ personæ ab uno communi stipite descendentes, ita ut neutra tamen ab altera descendat, tot gradibus à se invicem distant, quot gradibus distant à communi stipite; & hinc frater & soror in primo gradu à se distant, nepos & neptis ex eodem avo duobus gradibus distant, &c. quia illi tantum uno gradu à communi stipite, hi verò duobus gradibus à communi stipite distant, &c. Tertia denique regula est pro linea transversa inæquali, juxta quam duæ personæ sanguine junctæ inter se distant tot gradibus, quot remotior earum personarum distat à communi stipite; sic filius & neptis ex sorore v. g. distant inter se duobus gradibus, quia in linea transversa inæqualiter distant, & remotior quidem, à qua gradus supputatio desumitur in tali casu, duobus gradibus à communi stipite, &c. & hæc quidem regulæ subserviunt pro computatione Canonica graduum in ordine ad contrahendum matrimonium; de computatione enim Civili in ordine ad hæreditarias successiones, vide Civilistas.



§. II.

*Quinam gradus consanguinitatis
& quo jure matrimonium dirimatur?*

IN primo gradu lineæ rectæ inter fratrem & filiam v. g. jure naturæ matrimonium nullum esse, communis est sententia, & eò quòd ex natura rei factum est de jure omnium cultiorum gentium commercium carnale inter hæc personæ & contra reverentiam debita alterutribus (nisi extrema, & publica necessitas conservandi genus humanum, ob conjugationem excusetur) quin probabilius est, quòd in secundo eorum gradu & quovis ulteriore, in linea recta, in ipso jure naturali, non tantum sit prohibitum gradum, sed in inchoato, videlicet inter ascendentes & descendentes contractum matrimonium, juxta L. Nuptia 53. ff. de ritu nuptiarum. & L. si in eadem. quæ leges per jus Canonicum revocatae non sunt, cum e. Non debet h. l. tantum loquantur de linea transversa, non autem de linea recta.

Probabilius est, quòd etiam in primo gradu consanguinitatis lineæ transversæ, inter fratrem scilicet & sororem, contracturæ prohibitum sit matrimonium, arg. e. Gaudemus 8. De divorzio. Quæ sententia contrariæ etiam sententiæ sua non debet magna probabilitas, quæ illicitum quidem fatetur tale matrimonium, non tamen iure naturæ invalidum; contractum enim matrimonium tam in hoc, quàm in aliis gradibus ulterioribus prohibitis, de jure Ecclesiastico, nulliter, fatetur debent omnes: & quamvis olim scriptum fuerit matrimonium iure consanguinitatis

contra eum usque ad septimum gradum, in linea transversa, prout ex pluribus Decretorum iuribus *can. 33.* patet. De iure tamen recentiore Decretalium restituta fuit hæc nimia extensio, & impedimentum dirimens matrimonium ex consanguinitate ortum, intra quartum gradum constitutum fuit. *c. Non debet & h. t.* ubi plura etiam impedimenta talia antiqui iuris sublata fuerunt, & id tantum impediatur, ne validè inter se contraherent, qui intra quartum gradum sanguine iungebantur: & hinc, si duæ personæ consanguineæ inæqualiter à se invicem distantes, ita ut una intra quartum gradum consanguinea sit, altera vero in quinto vel sexto gradu, matrimonium contrahant, validum erit harum matrimonium, prout expressè habetur in *c. Vir qui g. h. t.* cum remotior, à quo sumitur distantia ratio, ultra quartum gradum à communi stirpe distat: & falsum etiam est, quod omnes gradus consanguinitatis *Leviti 18.* expressè, sine iure naturæ dirimentes, cum nullibi in novo testamento hujus prohibitionis habeatur auctoritas.

SECTIO II.

De affinitate.

§. I.

Quid sit affinitas, & quâ ratione contrahatur, & inter quas personas?

Affinitas est propinquitas personarum ex carnali copula proveniens, qui enim copulam carnalem perfectam, ad

generandam prolem sufficientem cum una aliqua persona habet, sit affinis omnibus illius consanguineis, sive licita illa copula fuerit, sive illicita, sive cum dormiente, invita & coacta, ebria, infana, &c. fuerit habita copula, &c. in eodem autem gradu sunt marito v. g. affines consanguinei uxoris v. g. & uxori v. g. affines sunt consanguinei mariti, in quo gradu marito, vel uxori consanguinei sunt, ita ut soror v. g. uxoris in primo gradu affinis sit marito, & frater mariti in primo gradu affinis sit uxori, quia in primo gradu sanguine juncti sunt illis, inter quos copula intercessit. Vocantur quidem etiam consanguinei utriusque conjugis se invicem affines, affinitas tamen hæc vulgaris tantum est, & nihil impediens, aut dirimens inter consanguineos utriusque conjugis matrimonium; & hinc possunt duo fratres cum duabus sororibus (cæteris paribus) contrahere, potest pater contrahere cum matre, & filius patris hujus, cum filia hujus matris, si personæ tales ex alio matrimonio genitæ fuerunt, &c. & quamvis asserant aliqui triplicem speciem affinitatis, juxta quædam antiqui juris capitula, certum tamen est hodie, nullam affinitatem inducere impedimentum dirimens, nisi quæ est maritum inter v. g. & consanguineas personas uxoris, ac uxorem inter & consanguineos mariti; aut fornicatorem inter, & consanguineos ejus, cum qua fornicatus est, ac hujus fornicariæ & consanguineos illius, cum quo fornicatio commissæ fuit. Quæ ad multas confusiones cavendas bene notanda sunt. Videantur plura de his apud *Aud. Metho.* vel *Theologos Morales.*

S. I. §. I.

§. II.